



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs LXXIII. Vt quid Deus repulisti in finem.

**urn:nbn:de:hbz:466:1-44993**

- 22 Ignarus atque excors apud te,  
Quadrupedes veluti, stupebam.
- 23 Quumque ipse tecum semper obambulem,  
Dextram tenentem teque sequar meam;
- 24 Ductum tuo me vera cepit  
Gloria consilioque fultum.
- 25 Cælo sed omni quis mihi? nec velim  
Terris, neque optem quem socium tibi.  
Desit mihi vel cor, caro vel
- 26 Deficiat tenuata membris:  
Munimen amplum, robur & est mei  
Cordis, neque vnquam deficiens DEVS:
- 27 A te peribunt sed remoti;  
Te & violans cadet ecce adulter.
- 28 Hoc, ipse dicam, si experiar DEVM  
Semper propinquum, me iuuat, atque HERO  
Fidisse in vno semper I A,  
Cuncta tua & memorare facta.

## PSALMVS LXXIIII.

Vt quid Deus repulisti in finem.

GRAVISSIMAE TEMPESTATIS  
DEPRECATIO.

Admonitio Asapho.

*Carmen Dicolon Distrophon.*

- N**AM cur DEVS remotius reieceris  
Nullo reducens tempore?  
Tuusque nasus in pecus fumat tuum,  
Queis pastor ipse accesseras.
- 2 Memento qualis comparatus iam tibi  
Grex, ac redempta quæ tribus:  
Illa, est quæ amato lecta patrimonio  
Sione monte in inclyto;  
Terris magis quem cæteris elegeras  
Tuo fouendum numine.
- 3 Attolle gressus vastitatum vindices  
Diu iacentumque urbium:  
Nam sancta multus hostis impetens loca  
Ausu maligno polluito

4 Fremuntque



- 4 Tremuntque ruginique in tuis conuentibus;  
Ac nomen angustant tuum:  
Panduntque late signa, signa iam sua,  
Malo locata & omine:
- 5 Insignis alto monte nouus vt fragor  
Bipennibus duris sonat,  
Quas in supernis silua ramis arborum  
Tulit reciso stipite.
- 6 Cælata quondam, trita nunc sunt malleis,  
Tunsa & securi barbara.
- 7 Ademque flammis torridis sanctam tuam  
Misere sæuisque ignibus;  
Sedis dicatæ ac nomini tuo domum in  
Terra prophaniè polluant.
- 8 Dixere secum, Diruamus hæc simul;  
Conuentus vndique ardeat:  
Quicumque terra constitit prius sacra,  
Cesset perustus ignibus.
- 9 Iam signa nusquam nostra, nusquam visitur  
Propheta, nullus cognitor,  
Qui certa nobis indicare tempora  
Modumque casibus queat.
- 10 Quousque probra pressor ingeret, D E V S?  
Illudet hostis ac tuum  
Nomen nefandis semper ausis impius  
Nullo repulsus tempore?
- 11 Manum quid vltra auertis? eia dexteram  
Exprope de sinu tuam.
- 12 Antiquo ab vsque R E X D E V S in tempore  
Terræ salutifer manens:
- 13 Tu diuidebas vi tua mare, intra aquas  
Frangens draconibus caput.
- 14 Tu contudisti cete magni vertices,  
Voranda præbens fercula:  
Queis cunque sedes tesqua cedunt arida  
Magnis adusta solibus.
- 15 Erupit isto rupe fissa numine  
Fons, riuus atque ductilis:  
Tuisque iussis aruere flumina  
Lymphis repressa turgidis.
- 16 Tuus dies est, furua nox paret tuis  
Iubarque, Solque legibus:



- Sterere cuncti te iubente termini  
Terræ futuri immobiles.
- 17 Hiems & æstas imperata munia  
Fictore te custodiunt.
- 18 Hostis memento probra quanta numini  
I AE superno fuderit;  
Infana quantum turba nomen spreuerit,  
Te sæpe prouocans, tuum.
- 19 Feris tuæ ne prode vitam turruris  
Disperdere heu phalangibus:  
Gregem tuorum neve longa pauperum  
Obluione desere.
- 20 Attende pacto, attende tandem fœderi,  
Quod saluus orbis audiit:  
Nam plena terræ sunt profunda pascuis  
Tenebricosæ iniurix.
- 21 Læsus querela ne erubescat irrita  
Te dum requirit arbitrum:  
Vt nomen istud turba egena pauperes  
Dignis loquantur laudibus.
- 22 Sta, surge PRINCEPS, ac tuam tu litiga  
Litrem tremendo numine;  
Memor que cerne probra, quæ iacit die  
Infana gens omni tibi:
- 23 Vocem que nec te tam prementum negliges  
Clamore sepè, quem tibi  
Infesta turba semper vsque in æthera  
Tollit tumultu feruido.

## PSALMVS LXXV.

Confitebimur tibi Deus.

CONSTANTIS SPEI VO-  
TVM RATVM.

- 1 Ad præstantem, Ne corrupas, Psalmus  
Asaphi Canticum.

*Carmen Tricolon Tetra-strophon.*

- 2 **T**E gratulati dicimus ô DEVS,  
Te gratulanti laude fatebimur:  
Miranda nomen facta & ista  
Esse tuum referent propinquum.

3 Cdm